



Deputación
DA CORUÑA

Boletín de Medio ambiente

Nº 326

29/01/2025



Descobre o percorrido, etapas e novidades de O Gran Camiño 2025

O pistoletazo de saída da nova edición de **O Gran Camiño 2025** será internacional. A primeira etapa da **proba ciclista máis importante de Galicia** arrincará en Portugal, especificamente con chegada e saída do Distrito do Porto, entre Maia e Matosinhos, trazando os seus propios Camiños de Santiago.

A proba, que este ano se desenvolverá **entre o 26 de febreiro e o 2 de marzo**, percorrerá catro provincias galegas e o norte de Portugal...

Noticias

Arteixo da un paso máis para crear a área verde máis grande do municipio

Arteixo deu un paso máis para levar a cabo o proxecto de creación da área verde máis grande do municipio.

O Concello contratará un **proxecto de obra** no que situará as **zonas verdes**, un parque infantil e pistas polideportivas ao aire libre que darán servizo aos veciños. Esta nova área verde virá complementar o recinto situado nas inmediacións do encoro de Meicende e servirá para **conectar peatonalmente diversas zonas** deste importante núcleo de poboación, xa que a área verde sitúase paralela á maioría das partes residenciais que conforman esta localidade de Pastoriza.

Máis Info

Abegondo protexe ao peregrino cunha senda peonil que une os núcleos de Cos e Meangos

O Goberno local de Abegondo co apoio económico da Deputación, está a construírse unha **senda peonil** entre as parroquias de Cos e Meangos na vía DP-0105. En concreto, no treito que enlaza os lugares de Barral de Arriba e Ou Fontao. Existe un risco potencial para os camiñantes polo escaso ancho da beirarrúa actual. Para solucionalo optouse por unha **senda peonil de case dous metros de anchura** entre os dous núcleos rurais. Está previsto no proxecto a dotación dunha **nova rede de pluviais** cos seus respectivos pozos de rexistro, co obxectivo último de evitar inundacións da calzada en época de choivas.

Máis Info

Arrincan as sesións formativas presenciais nos centros adscritos ao programa “Recíclate con Sogama” 2024-2025

Arrincan as **sesións formativas presenciais** nos **27 centros educativos** que este ano participan no programa Recíclate con **Sogama 2024-2025**, cuxo **obxectivo** é promover a reciclaxe nas aulas, así como a adquisición de boas prácticas vinculadas á xestión sostible dos residuos municipais, procurando que estas sexan extrapoladas aos fogares e contorna social do alumnado.

Tras unha primeira fase de diagnóstico relativa ao nivel de implantación do principio das tres erres (redución, reutilización e reciclaxe) en cada centro e unha segunda de dotación de recursos, tantos materiais como didácticos, monitores ao servizo de Sogama desprazaranse polos distintos colexios para **explicar**, apoiados por **vídeos, presentacións e xogos**, os pormenores da correcta xestión dos residuos producidos cada día e que facer cos mesmos en función das súas características para que poidan ser recuperados. Desta forma, insístitase no contedor de destino para cada tipo de refugallo, xesto indispensable para garantir o seu posterior reciclado.

Máis Info

É barato cargar un coche eléctrico? Todo o que debes saber

Cando falamos da transición cara á mobilidade eléctrica, un dos aspectos que máis preocupan aos potenciais compradores é o **custo de cargar un coche eléctrico**. Aínda que é certo que o prezo da electricidade é xeralmente máis baixo que o dos combustibles fósiles, existen outros factores que inflúen no custo total de recárgaa e que merecen ser considerados.

O custo por quilómetro percorrido nun coche eléctrico adoita ser inferior ao dun vehículo de combustión interna, a realidade é moito máis complexa. **O custo total de cargar un coche eléctrico depende de diversos factores**, como a tarifa eléctrica, a potencia do punto de carga, a capacidade da batería ou os incentivos gubernamentais.

Máis Info

A Comisión Europea abre a convocatoria para os premios Capital Verde Europea e Folla Verde 2027

A Comisión Europea lanzou a **convocatoria de 2027 dos premios Capital Verde Europea e European Green Leaf**, que volverán recoñecer os esforzos das cidades europeas por **reducir o seu impacto ambiental local e global**, á vez que melloran a calidade de vida dos seus habitantes e inspiran a outras urbes. O **prazo** para presentar **candidaturas** permanecerá aberto ata o **próximo día 15 de abril**.

Por unha banda, a distinción de **Capital Verde Europea** diríxese a cidades **de máis de 100.000 habitantes** e a edición de 2027 outorgará un premio de 600.000 euros á gañadora. Doutra banda, **o premio European Green Leaf**, destinado a municipios de **entre 20.000 e 99.999 habitantes**, terá dous gañadores e concederá 200.000 euros a cada un.

Os **premios económicos** apoiarán as cidades gañadoras na implementación de iniciativas para mellorar o seu desempeño ambiental e a súa interacción coa cidadanía, especialmente durante 2027. Ademais, as **gañadoras uniránse** a unha **rede de cidades** en constante crecemento para compartir experiencias e inspirar a outras urbes para seguir o seu exemplo. Todas as solicitantes recibirán **comentarios personalizados sobre as súas solicitudes**.

Máis Info

Sabías que...

O proxecto 'Humidal Viladesuso', impulsado por Hijos de Rivera, Viaqua e o Concello de Betanzos (A Coruña) para **mellorar a calidade da auga do encoro de Cecebre** que abastece á Coruña e boa parte da comarca, "aplicando solucións baseadas na natureza", poñerase **en marcha a finais de 2025**, xa que o inicio das obras -cun prazo de execución de seis meses- está previsto para xaneiro ou febreiro.

Mestura informativa

RECEITA ECOLÓXICA: Castañas cocidas en leite

Ingredientes: 1 cunca de castañas, 500 ml de leite, herba das castañas, 1 cullerada de azucre (opcional).

Poñemos as castañas **peladas e secas** nunha olla, e engadímoslles a herba das castañas. Cubrímolos con leite e cocémolas uns 20 ou 30 minutos. Cando estean brandas, retirámolas do lume e poñémolas nunha cunca. **Esmagamos as castañas cun garfo**, botamos máis leite e azucre, e xa as teremos.

As castañas teñen unha **composición nutricional moi parecida á dos cereais**. Son ricas en hidratos de carbono complexos, a fonte de enerxía máis importante na nosa dieta, que **axudan a manter os niveis de azucres equilibrados** e, diminúen a sensación de fame durante máis tempo.

Como os cans melloran a vida de pacientes psiquiátricos: o proxecto solidario da USC

A Escola Universitaria de Enfermaría e a Facultade de Veterinaria do Campus de Lugo traballan de xeito conxunto para **mellorar o benestar de pacientes con patoloxías psiquiátricas**.

O **obxectivo principal** do proxecto consiste en **avaliar a redución da tensión e da ansiedade**, a mellora do estado de ánimo, fomentar a estimulación social e emocional, o aumento da motivación e da autoestima, así como reducir o illamento deste tipo de pacientes, a través da **intervención asistida con cans**. Ademais, a devandita intervención aspira a avaliar a mellora da calidade de vida, benestar e fomentar a adopción de cans da protectora. O proxecto estrutúrase en dous grupos: por unha banda, hai un **control** que intervéen nos obradoiros habituais do hospital; mentres que, pola outra, existe un **grupo experimental** no que se desenvolve a intervención asistida con cans...

[Máis info](#)

O primeiro pan protexido de Europa elabórase nun pobo de Galicia: "A vila do bo pan"

A oferta gastronómica de Galicia abarca desde increíbles mariscos, carnes e peixes ata o pan galego. Este ingrediente é esencial en todas as mesas galegas. Son **varios os tipos de pan en Galicia** que son recoñecidos pola súa calidade e o seu sabor único, pero existe un que é o primeiro pan de Europa en obter **a indicación xeográfica protexida (IGP)**, denominación que se lle outorgou en febreiro 2005.

O **pan de Cea** é un emblema e un dos máis famosos en Galicia. Este produto elabórase de forma artesanal desde o século XIII nos fornos da vila de San Cristovo de Cea (Ourense) mediante un **proceso tradicional** que comeza co amasado de fariña, auga, sal e masa nai. Durante todo o proceso só poden utilizarse utensilios de **madeira, forno de pedra** queantado previamente por **leña nobre** e sen usar cámaras de fermentación. Todo este coidadoso método asegura a calidade e autenticidade do pan de Cea, o que lle levou a conseguir hai xa 20 anos a Indicación Xeográfica Protexida.

[Máis Info](#)

Galicia será o territorio con máis probas da World Surf League do mundo este 2025

Galicia presentouse en Fitur como un destino **referente no surf internacional**. O campionato **Abanca Pantín Classic Galicia Pro**, embaixador deste deporte no territorio galego, presentou en Madrid a súa programación para o 2025 ademais da celebración de tres novas probas. Ao xa recoñecido Pantín Classic súmanse en augas galegas o **Surf Festival Ferrol**, no que tamén terá lugar un campionato en modalidade Longboard e un Júnior, e o **Cabreiroá Junior Pro Razo**. Con estes dous novos torneos, **Galicia é o territorio que axunta máis probas do circuito da World Surf Leage (WSL) do mundo**.

[Máis Info](#)

Boas Prácticas

Zaragoza impulsa a recollida de residuos téxtiles e participará nun proxecto piloto nacional

Zaragoza foi seleccionada para desenvolver ao longo deste ano **un proxecto piloto sobre xestión de residuos téxtiles**. Trátase dunha iniciativa impulsada pola Federación Española de Municipios y Provincias e RE-VISTE (Asociación para a xestión do residuo téxtil e o calzado) co obxectivo de **definir as características dun servizo de recollida** deste tipo de residuos.

Zaragoza é a única gran cidade que vai participar nesta iniciativa, para a que tamén foron seleccionadas Rubí (Barcelona), San Miguel de Abona (Tenerife), Trujillo (Cáceres), Titulcia (Madrid) e Arbo (Pontevedra). Escolléronse seis municipios representativos das diferentes contornas sociodemográficas (dous urbanos, dous rurais e dous semiurbanos) para avaliar a efectividade e operatividade e poder fixar sistemas adaptados a cada tipoloxía de municipio.

Máis Info

A Mancomunidad da Comarca de Pamplona recolleu 147.353 toneladas de residuos en 2024, un 2,1% máis que o ano anterior

A Mancomunidad da Comarca de Pamplona recolleu durante **2024** un total de 147.353 Tm de residuos, o que supón un aumento do **2,1%** respecto a **2023**, segundo datos provisionais. O incremento está vinculado o **crecemento demográfico** da Comarca (1,14% respecto a 2023) e a unha satisfactoria situación económica que causou unha **maior actividade** en todos os sectores.

Cabe sinalar que en 2024 **a media de xeración de residuos por habitante foi de 379 kg/hab/ano**, o que supón un incremento do 0,8% respecto á media de 2023 que foi de 376 kg/hab/ano.

Máis Info

Xunta de Galicia impulsará a cooperación municipal para avanzar cara a unha economía circular na xestión de residuos

A Xunta de Galicia **asesorará en materia de residuos ás entidades municipais** para facilitar a cooperación entre administracións co obxectivo de avanzar cara a unha economía circular.

Durante a clausura da xornada de presentación das axudas para 2025 en materia de residuos municipais, a conselleira de Medio Ambiente e Cambio Climático, avanzou a posta en marcha dunha **oficina específica de asesoramento técnico especializado en materia de residuos municipais para axilizar os trámites e facilitar a relación das diferentes entidades coa Xunta e avanzar na sustentabilidade**, na economía circular e na protección ambiental.

Máis Info

Axenda Ambiental

- 📅 O Aquarium Finisterrae celebra a **VII Feira de Ciencia Isabel Zendal**, xornada divulgativa e oportunidade de explorar o fascinante mundo da ciencia a través de catorce talleres interactivos. Sábado 1 de febreiro.
- 📅 Taller Explorando os ecosistemas para familias con nenos/as de entre 5 e 11 anos con TEA (con Trastorno do Espectro Autista). 1 de febreiro. Real Xardín Botánico, CSIC. Praza de Murillo, 2. Madrid.

Ver Boletíns anteriores

Deputación da Coruña

Servizo de Desenvolvemento Territorial e Transición Ecolóxica

Email: medioambiente@dacoruna.gal